



FIXA INFORMATIVA

9 Setembru 2026

*Lighthouse Corporation Limited & Anor v Repúblika Demokrátika Timor-Leste & Anor — Supreme Tribunál
Victoria*

KONA-BA DISPUTA

Disputa ida-ne'e relasiona ho akontesimentu sira ne'ebé akontese iha Timor-Leste iha dékada ida liubá, iha 2010 no 2011, kona-ba alegasaun kontratu ida ba forneseimentu kombustível no jeradór sira iha Timor-Leste.

Iha tinan 2010, Timor-Leste enfrenta falta eletrisidade ne'ebé signifikativu, ne'ebé rezulta eletrisidade mate ka *blackouts*. Fonte enerjia adisionál sira presiza tebes. Governu Timor-Leste konsidera ka avalia opsaun lubuk ida hodi rezolve falta eletrisidade ne'e. Iha inísiu tinan 2010, Lighthouse hahú diskusaun ho Governu atu fornese kombustível gazoel ba Timor-Leste.

Diskusaun hirak ne'e kontinua iha tinan 2010 tomak no to'o fulan-Setembru 2010 foti ona forma proposta ida ba forneseimentu kombustível no jeradór ualu (8) hodi hasoru falta eletrisidade ne'ebé urjente no hodi rezolve eletrisidade mate iha Díli.

Lighthouse halo representasaun falsu lubuk ida kona-ba nia-an rasik, nia kredensiál sira no nia relasaun sira ne'ebé dezeña atu fó impresaun sala ba Governu Timor-Leste no nia Ministru sira.

Hafoin diskusaun tan iha fulan-Outubru 2010, Lighthouse fó garantia iha proposta ida ne'ebé asina ona atu fornese, ho gratuita, jeradór ualu ne'ebé bele uza hodi hatán ba falta forneseimentu enerjia ne'ebé kauza eletrisidade mate iha Díli. Iha mós proposta sira ne'ebé asina ona kona-ba armazenamentu kombustível no konstrusaun facilidade portu nian.

Lighthouse nia representasaun falsu sira

Iha diskusaun kona-ba proposta sira husi Lighthouse, Governu Timor-Leste depende hela ba representasaun sira ne'ebé halo husi Lighthouse. Representasaun barak ne'ebé depende ba ne'e defaktu falsu, no ida-ne'e Governu Timor-Leste deskobre bainhira halo tan investigasaun ba Lighthouse. Representasaun falsu sira kona-ba nia an rasik, nia kredensiál no nia relasaun sira inklui:





PREZIDÉNSIA KONSELLU MINISTRUS

GOVERNUN KONSTITUSIONÁL DA-9



Gabinete
Portavós

- Katak Lighthouse inkorpora ona durante tinan 30 no iha kapasidade, perísia no esperiénsia iha forneshimentu mina-rai brutu no gazoel.
- Katak Lighthouse maka empreza privadu ida ne'ebé boot liu iha Europa no iha relasaun komersiál ho empreza mina-rai boot sira, inklui Exxon Mobil, BP no Caltex.
- Katak Lighthouse iha kapasidade no perísia atu investe iha infraestrutura kapitál Timor-Leste.
- Katak Lighthouse iha rezerva mina-rai ne'ebé substansiál iha nia direitu rasik.
- Katak Lighthouse Corporation iha kapasidade finanseira atu kumpre arranju sira ne'ebé nia propoin (nia buka atu hametin representasaun ida-ne'e ho deklarasaun konta bankária ne'ebé nia altera ona ne'ebé hatudu saldu liu millaun \$55).

Durante tinan 2011, sai evidente katak Lighthouse hanesan empreza ida ho folin \$2 ne'ebé laiha bens, esperiénsia, atividade ka kapasidade hanesan ne'ebé nia representa beibeik ba Governu.

Lighthouse tuir-mai buka atu uza asaun legál hodi implementa saida maka nia reklama hanesan kontratu entre parte sira.

Governu Timor-Leste ho konsistente mantein katak nunka halo kontratu ruma, saída maki ha mak proposta de'it atu diskute no hafoin submete ba Governu nia prosesu aprovizionamentu sira. Governu mantein liután katak, maski tribunál hetan katak se karik kontratu ida ne'e eziste, kontratu ninia válidade anuladu no/ka nulu tuir lei. Ida-ne'e bazeia ba Lighthouse nia representasaun falsu barak no repetidu kona-ba, entre buat sira seluk, sira-nia kapasidade, pozisaun no abilidade atu fornese kombustível no jeradór sira no forneshimentu kombustível ne'ebé propoin.

ISTORIA LITIGASAUN NIAN

Ida-ne'e sai hanesan disputa ida ne'ebé maka naruk liu dékada ida, ne'ebé maka konsume tempu no rekursu Governu nian laho nesidade.

ICSID nia Arbitrajen

Iha tinan 2015 Lighthouse hahú prosesu judisiál hasoru Governu Timor-Leste iha Sentru Internasionál ba Rezolusaun Disputa Investimentu (ICSID, sigla Inglés), reklama iha parte ida katak Tribunál Arbitrajen ICSID iha kompeténsia atu rona no determina prosesu sira. Governu Timor-Leste la-aseita katak ICSID iha kompeténsia atu rona disputa ne'e.





PREZIDÉNSIA KONSELLU MINISTRUS

GOVERNUN KONSTITUSIONÁL DA-9



Gabinete
Portavós

Iha Dezembru 2017 Tribunál Arbitrajen determina katak ICSID laiha duni kompeténsia. Tribunál Arbitrajen ezije Lighthouse atu selu Governu Timor-Leste millaun US \$1.3 hodi kobre nia kustu sira.

Supremu Tribunál Victoria

Hafoin lakon nia kazu iha Tribunál ICSID, iha fulan-Fevereiru 2018 Lighthouse komesa hikas fali deklarasaun reklamasaun ida iha Supremu Tribunál Victoria.

Entre 2018 no 2022 Governu dezafia jurisdisaun Supremu Tribunál Victoria hodi deside kazu ne'e no la-hetan susesu. Prosedimentu ne'e kontinua liuhusi etapa baibain husi alegasaun no deskoberta, ho disputa interlokutóriu sira ne'ebé la'o hela.

Iha 2022 Governu submete evidénsia katak Lighthouse parese halo falsifika deklarasaun bankaria husi Banku Commonwealth Austrália hodi sujere konta ida ho krédito montante \$25,072.74 ne'ebé saif fali ho montante \$55,325,072.74.

Lakleur hafoin Governu fahe evidénsia fraude aparente ida-ne'e ho advogadu sira ba Lighthouse iha Agostu 2022, Lighthouse nia advogadu sira notifika tribunál katak sira para atu atua ba Lighthouse. Empreza advogadu Johnson Winter Slattery husik kargu iha loron 6 fulan-Setembru tinan 2022 no advogadu Chris Young KC no Paul Annabell mós para atu atua iha inísiu fulan-Setembru tinan 2022.

Lighthouse depoisde ne'e falla beibeik atu kumpre prazu tribunál nian barak, inklui pagamentu osan seguransa ba kustu sira no hatama nia prova leigu sira hotu iha finál 2023. Nia troka fali konsellu legál iha finál 2024. Fallansu sira-ne'e, no mós nia terseira mudansa ba empreza advogadu sira iha fulan 18 nia laran, hamosu atrazu barak ba litigasaun.

Haree ba Lighthouse nia fallansu atu avansa kazu ne'e, no fallansu atu kumpre orden tribunál oioin hasoru nia, Governu Timor-Leste lori asaun ida ba demisaun Lighthouse nia reklamasaun iha 2025. Hafoin aplikasaun ne'e hatama, Lighthouse tarde hatama osan garantia ba kustu sira ne'ebé tribunál haruka. Tribunál la-rejeita prosesu, maibé konsidera Lighthouse nia hahalok to'o Juñu 2025 no hateten iha sentensa:

"Prosedimentu husi agora sei jere kazu judisiál ne'e ho maneira ne'ebé rigoroza. Haree ba istória foin lailais ne'e, Lighthouse sei hetan konsekuénsia rigoroza se nia la-kumpre ho orden prosesuál sira seluk no Tribunál sei nakloke atu halo auto-ezekusaun [orden] sira kona-ba pasu interlokutóriu sira seluk ne'ebé maka bele ezije atu observa husi Lighthouse."

Iha fulan-Fevereiru 2026, tribunál fó orden ba Lighthouse atu selu ba tribunál liu millaun \$2.6 nu'udar garantia adisionál ba kustu legál sira Governu nian iha kazu Lighthouse lakon kazu iha julgamentu no Governu sai iha





PREZIDÉNSIA KONSELLU MINISTRUS

GOVERNUN KONSTITUSIONÁL DA-9



Gabinete
Portavós

direitu ba nia kustu sira. Pagamentu ho montante millaun \$2.6 ne'e sei halo iha kuota rua, primeiru iha fulan-Abril 2026 no segundu iha fulan-Agostu 2026 (prolonga husi fulan-Jullu).

Iha fulan-Juñu 2026, Lighthouse troka fali tan nia ekipa legál ba dahaat, ba nia advogadu no konseleiru

Aplikasaun demisaun ne'ebé susesu

Iha fulan-Agostu 2026, Lighthouse falla dala ida tan atu hatama osan garantia millaun \$1.3 ba kustu sira iha tribunál.

Tanba Lighthouse nia fallansu atu selu garantia ne'e hodi viola orden tribunál nian, Governu aplika ba orden ida atu demite prosesu ne'e. Pedidu ne'e rona iha Melbourne iha loron 2 fulan-Setembru tinan 2026 no iha loron 4 fulan-Setembru tinan 2026 Tribunál fó sai sentensa afavor ba Governu no demite kazu ne'e. Tribunál hateten iha sentensa:

"Ho liafuan badak, evidénsia katak fundu sira 'espera' atu disponivel husi fonte deskoñesidu ida iha rai-li'ur to'o loron 18 fulan-Setembru 2026 la satisfatóriu. Kontráriu ho submisaun sira husi Lighthouse, evidénsia la-suporta deskoberta katak iha possibilidade razoavel katak Lighthouse sei ka bele fornese osan seguransa ba kustu sira ho montante millaun [AU\$1.3] iha loron 18 fulan-Setembru 2026."

"Lighthouse prosesa ona nia reklamasaun ho forma intermitente no hahú durante liu década ida. Prosesu ne'e suspende ona iha okaziaun oioin, no Tribunál fó ona induljénsia oioin ba Lighthouse kona-ba nia fallansu sira hodi kumpri orden sira Tribunál nian."

"Ida-ne'e la'ós primeiru okaziaun ne'ebé Lighthouse la-kumpre orden sira... Fallansu atu kumpre [orden] maka istória ne'ebé repete.

...

Hanesan ha'u hatete iha [kazu seluk], orden sira husi Tribunál la'ós matadalan."

"Tanba razaun sira ne'ebé diskute ona, pedidu husi Lighthouse ba estensaun tempu ba fornese osan seguransa ba kustu sira hetan rekuza. Prosedimentu ne'e hetan demisaun."

...

Desizaun ho pájina hamutuk 33 ne'e komprehensivu no deskreve ho detalla kona-ba razaun sira tanbasá maka Governu hetan susesu iha ninia aplikasaun.

